

# INUIT ATAQATIGIIT

## INATSISARTUNI



UPA16/70  
2. juni 2016  
Agathe Fontain

**Ineqarnermut akiliutit qaffakkiartuinnartut, kiisalu boligsikring tapiissutit qaffanneqarnissaat, aammalu kiassarnermut akiliutit qaffasippallaarnerat pillugit apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Hans Enoksen, Partii Naleraq)

Inatsisartunut ilaasortaq Hanse Enoksen qutsavigaarpot oqallisssiaanut.

Inuit pineqartut tassaapput, ukiumut isertitatigut ima appasitsigisumik isertitaqartut, allaat tapiiffingineqarnissaminnut pisariaqartitsillutik, inuuniarnikkut naammaginartumik atugaqassappata.

Inuit pineqarput isertitamikkut meeraqassutsimikkullu pisinnaatitaaffeqartut tapiiffingineqarnissamut.

Tassaapput ilaatigut, utoqqalinersiallit, siusinaarlutik pensionisiallit, ukiumut isertitamikkut killeqartut.

Inuit pineqartunut aningaasat isertitaasut annikikkaluamilluunniit nikikkaangata inuuniarnerannut sunniuteqartorujussuusartoq, ilami pisatsinnut 200,- kr-ninnguaq isumalerujussuusarpoq.

Hans Enoksen ilumoorroq ukiorpaalunngorput suli tapiissutit naleqqussarneqannngillat.

Inuit Ataqatigiit akileraartarnikkut, ineqarnikkut, pisortanut ikorsiissuteqartarneq aaqqissuussinikkut eqqartugarpot aaqqiiviginissaa anguneqassasoq isumaqarpugut. Naalakkersullu kaammattorusuppagut sulineq taakkunani naammassiniaqqullugu.

Ataasiakkaarlugit aaqqiiniarsarisarneq kingunipiloqarpallaartaqaaq. Allanik siunertaangikkaluanik equisaqattaarneq pisarmat.

*"Ullumikkut inissiani najugaqartut qaammammut akiliutigisartagaasa pingajorarterutaasa missaat kiassarnermut akiliutaasarnerarpaat. Inissiallu pisoqqat sananeqarsimanerminni ataatsimoorussassamik kiassasersorneqarsimasarmata, tassuunnakkut spaarniartoqarsinnaannera periarfissaasimanani. Inissiani najugaqarnermi akiliutaasartut appasinnerulissappata kiassarnikkut akiliutaasartut aaqqissuusivigineqartariaqarsoraarput. Ullumikkut ineqarnermut tapeeriaatsini (boligsikring) kiassarnermi akiligassaq tapiissuteqarfigineqarneq ajorpoq. Inissiat pisortat akisussaaffigisaat, kiammik atuiffiusorujussuupput qulaanni taariikkannik sanngiiffeqarnertik patsisigalugu. Nalilersorneqarniarli kiassarnermut akiliutaasartut, ineqarnermi tapiiffingineqartarnermut ilanngunneqassannginnersoq, najugaqartummi tamakkiisumik pisuussutigineq ajormassuk taamma kiammik atuitiginertik."*

Naalakkersuisut akissutaani takuneqarsinnaavoq 2006-2014 tungaanut ineqarnermut kiassarnermut imermut annertuumik qaffassimasut.

Taamaammat siunissami qanoq isikkoqartumik tapiissuteqartarneq ersarissumik aaqqiissuteqarfigisariaqarippot, aaqqissuussinerillu eqqaariikkakka aqquressasut isumaqarpugut.

Oqallinnerullu kinguneranik Naalakkersuisut iliuuseqarnissaannik kissaateqarpugut,  
oqallisigiinnarnagit aaqqissuussisariaqaratta.